

Ohén:ton ié:rate ne ata'karitáhtshera

Áse Entsonní:hake ne COVID-19 Taiontatenentshawée'ste ne í:se Tshén:nare Kaiatónhsera

Ne kí:ken iakohró:ris ne Ontario iená:kere ne iah teiakó:ien ne áse kahiatónhsera tsi teiontatenentshawée'ston ne COVID-19 tánon aiehsenná:rake.

Kaié:ri niiori:wake tsi nénhshiere

1. Ia'satewenná:ta ne tsi rotiió'te ne Ata'karitáhtshera tánon seri'wanón:ton taesewatátken áse ahonnón:ni ne tshén:nare kahiatónhsera tsi teiesawée'ston. Aesathontá:ton iahá:se ne [Public Health Unit Locator \(gov.on.ca\)](https://www.gov.on.ca) ahsetshén:ri ka'nonwéshon ne Ata'karitáhtshera aorihwá:ke niáhse ne Ontario tánon thénon ahserihwatshén:ri.
2. Tashawh ne tshennare thénon kahiatónhsera ahshena'tónhase tsi í:se se'. Ki kahiatónhsera tóka ní' kahiatónhsera'shón:'a ne ehtà:ke kahiatón:nion wentá:on entshenná:rake, kátke sanakerá:ton tánon tsá:tere ID.
3. Ne Ata'karitáhtshera rotiió'te ienhontenniéhte ne kátke ne áse teiesawée'ston tsi nónwe ronterihwateweién:tons ne COVID-19 aorihwá:ke (COVaxON).
4. Iaháse ne <http://www.ontario.ca/page/covid-19-vaccines> ne ahséta ne sáwen waterihwateweién:tons ne áse sahiatónhsera.

Nahò:ten iénshawe

Ará:na énska ne thénon tshénnare. Wentá:on ne sháka enkénhake ne tsi nikahá:wi sanakerá:ton tsi níkon sá:ien ne tshén:nare nék tsi sahsén:na tánon rónkwe/iakónkwe enwá:ton nen'né:e óia na'tenióhton. Tóka' ne sahiatónhsera wathróris tsi iotohétston ónen tsi nitió:ion ne kí' sháka enhatié:na nék se' ne ónhka' ní:se tehonatenhontsó:ni ahontká:tho.

Nia'tekahiatónhserá:ke enwá:ton éhnsatste tsi nónwa ní:ioht ne:

- Konwatoriétha kahiatónhsera
- Tsi sennakerá:ton
- Ontario tsátare
- Teieristiià:ktha

- Onkwehón:we raotihatónhsera/Métis, tsi nónwe nihsená:kere Nunavut Tunngavik Inc. – tsi tehtshén:nare
- Karihwahnirá:ton iewathiatonhseratenniéhton
- Tsi satkarià:kse iowénhte kahiatónhsera
- Ronterihwaiénstha kahiatónhsera
- Iewennahnotákhwa raotihatónhsera
- Thénon rotitíóhkwaie tsátare
- Kakoráhsera tíóhtkawen ákte' nitiawé:non tsi nónwa ní:ioht ne ákte' nitiawé:non tieristiiá:ktha tóka ní' ákte' nónwe ne Canada ata'karitáhtshera kahiatónhsera, tóka ní' konwatoriétha
- Kahiatónhsera wathró:ris ónhka' ní:se, ata'karitáhtshera teshakotíhshnie thonátkawen tánon/tóka ní' sannakerahsera tóka' ne Onkwehón:we ronaterihwahtentiá:ton, ionterihwaienstákhwa, tóka ní' satétsen'ts

Nónen sáhson áse tsi sónni ne kahiatónhsera tsi teiesanentshawée'ste tánon tshén:nare

Tóka' wentá:on óia' tihontsá:te nienhén:se tánon iah áse tesón:ni ne sahiatónhsera ahtshená:rake, ne kí' í:satst ne iokaiónon sahiatónhsera.

Tóka' ne ienhsatewenná:ta ne Provincial Vaccine Contact Centre (PVCC) tánon ehseri'wanón:ton taonsahatité:ni tsi tshén:nare ne teiesanentshawée'ston kahiatónhsera né:ne tiotierénhton sahsenna'kénhen ne aonsáhsatste tánon ne Ontario ata'karitáhtshera aohiatónhsera. Enwá:ton waterihwateweién:tons enhstáhkko ne teiesanentshawée'ston aohiatónhsera né:ne tiotierénhton sahsén:na / tshén:nare ne Ontario Ata'karitáhtshera aohiatónhsera. Nónen enséhsewe ne Canada shékon ionsasheiatewennatáahs ne PVCC taonsahsté:ni ne sahsén:na ne teiesawée'ston aohiatónhsera tsi nitsisahsennó:ten shehró:ri.

Nónen tensewathá:ren ne tsi teteshakonawée'stha, ata'karitáhtshera rotiió'te tóka ní' PVCC, shehró:ri tsi tesewathará:on ne orihwí:io ahsón:ni tsi teiesawée'ston tánon rotihíá:ton tsi nikahsennó:ten íhsehre.

Tesatenhontsó:ni ken kaienawa'séhtshera tóka ní' thénon ahseri'wanón:ton?

Ia'satewenná:ta ne Provincial Vaccine Contact Centre ne 1-833-797-3900 (TTY ne ónkwe teionhonhtakwé:kon iah tewá:tons aiakothón:te'ne tóka ní' wentó:re aiontá:ti 1-866-797-0007), káien ne í:sí' nónwe ne 300 niwahronkha'tshera:ke, Awententaón'ke tsi niió:re ne Ronwaia'tanentaktónhne (iah kí' ne wentanó:ron) 8:30 a.m. tsi niió:re ne 5:00 p.m. Eastern time.